

## **Kata Pengalo – Ngalo Ras Momo**



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Minggu enda igelari Sexagesima, eme Wari Pe-60ken, entah pe Minggu si terakhir ope kita bengket ku bas minggu-minggu Passion ras Paskah. Minggu enda mabai kita guna ngidah uga Tuhan Jesus tuhu-tuhu ersikap mengketi wari-wari kiniseran seh ku bas kayu persilang guna nggenepi sura-sura Dibata si erkuasa i bas nelamatkan manusia. Minggu enda pe, ndilo kita gelah ersaksi kerna kegeluhen Jesus si setia naksiken kuasa Dibata, amin gia IA arus mentasi kiniseran. Turang senina, mari dage si persikap ukurta ngadap man Dibatanta si setia.

### **Erkata Lonceng**

*(Perp. Tedis)*

### **Rende**

**KEE No. 308 : 1, 2, 3**

*(Serayan Kebaktin Bengket Ku Mimbar)*

**Kebaktin Minggu, 23 Februari 2025**  
**Minggu Sexagesima : Peenempuluhken**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa si mada kuasa, i bas gelar Jesus Kristus si mereken DiriNa engkelini doni enda, ras i bas gelar Kesah si Badia si mpegegehi kita i bas ndalanken sura-sura Dibata. Perkuah ate ras dame i bas Dibata Bapa, AnakNa Jesus Kristus, ras i bas kerembaken Kesah si Badia, ras kita kerina gelah. Amin.
P	Amin ..... Amin ..... Amin ..... <span style="float: right;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	“Ukurilah kuga belinna kiniseran Jesus ngalaken perlawananen si rehna i bas kalak perdosa nari. E maka ola kitik ukurndu, dingen ola kam putus asa” (Heber 12 : 3).  Erpalasken Kata Dibata enda, sipuji IA alu radu ras ngendeken <b>KEE No. 170 : 1, 2, 3</b>
<b>5</b>	<b>Pujin Man Dibata</b> <span style="float: right;"><i>(Perp. Kundul)</i></span>
L	Jesus reh ku doni enda, nggit IA ngenanami kiniseran gelah manusia terkelin. IA setia i bas keleng ateNa, seh maka la IA surut amin gia ngalaken kematen. Jesus kap pengarapen si tuhu-tuhu.
P	Ipuji kami Kam o Tuhan, sabap Kam setia engkelengi kami. Kam kap ulu pengarapen kami.
L	Jesus reh ku doni enda. IpulahiNa manusia perdosa i bas kuasa kematen nari. Jenari ijujurkenNa kegeluhen si mbaru.
P	Terpujilah Kam Tuhan, nggit Kam ngalaken kematen, gelah kami ndatken kegeluhen si mbaru.
L	Sipuji Tuhan i bas keleng ateNa, arah ende-endenta : <b>KEE No. 311 : 1, 2, 3</b>

6	<b>Pengakun Dosa</b>
L	<p>Turang ras senina, Jesus Kristus enggo nuduhken kesetian ras keleng ateNa man banta. Kuga nge kita ngergaken kesetian ras keleng ate Dibata e sedekah enda?</p> <p style="text-align: center;"><i>(Paksa Teneng)</i></p> <p>L Jesus nggit mereken diriNa ngalaken kiniseran guna keterkelinen manusai. Kuga nge ketutusenta sedekah enda engkelengi temanta manusia?</p> <p style="text-align: center;"><i>(Paksa Teneng)</i></p> <p>L Marilah siakuken dosanta, dengen sipindo pengalemi dosa idur Dibata nari alu ngendeken : <b>KEE No. 490 : 1, 2</b></p>
7	<b>Berita Pengalemi Dosa</b> <span style="float: right;"><i>(Perp. Tedis)</i></span>
L	<p>Meriah kal ukur Dibata adi anakNa meteh salah ras lepakna janah nggit jera i bas dosa-dosana nari, nina Dibata man banta kerina :  <i>“Tole nina TUHAN, “Marilah maka si dungi cakapta enda. Kam enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas”</i>  <i>(Jesaya 1 : 18).</i></p> <p>Malem kal ateta erkiteken dosanta enggo ialemi Dibata, emaka sipuji IA alu ras rende i bas : <b>KEE No. 391 : 1, 2, 3</b></p>
8	<b>Kata Dibata</b> <span style="float: right;"><i>(Perp. Kundul)</i></span>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>Jeremia 46 : 17 - 24</b>. Mari siogeken secara pegancih. Sibenaken pengogenta .....</p> <p>46:17 L Bahanlah gelar si mbaru man raja Mesir, ‘Si meganjang ngerana si bene kesempatenna.’</p> <p>46:18 P Aku TUHAN si Mada Kuasa, Aku kap Raja. Aku kap Dibata si nggeluh, ningKu: Bagi Deleng Tabor ganjangen asangken deleng si deban, bagi Deleng Karmel tedis i babo lawit, bage me gegehna kalak si reh ngelawan kam.</p>

46:19 L	O kalak Mesir ersikaplah kam guna iangkut tertaban! Mempis jadi me bagi gurun pasir, jadi radas me, lanai sekalak pe si nginganisa.
46:20 P	Mesir bali kap ras lembu nguda si mbur, iserang sada untung-untung i Utara nari.
46:21 L	Tentera-tentera si iupahina pe bali ras anak lembu mbur si la ergegeh. Lanai terbanca tedis, lanai terbanca erperang, kerina ia mulih jenari ngerbul. Enggo seh wari cilaka man bana e me paksa kebenenna.
46:22 P	Perkiam kalak Mesir, erdeso bagi sora nipe tupung reh deherna tentera musuhna. Imbangna reh maba kapak bali ras kalak si nabah batang kayu
46:23 L	si ngeradasken kerangen tua. Teremna la terbeligai tenterana teremen asangken labang.
46:24 P	Juru kal iakap bangsa Mesir ia italuken bangsa si reh i Utara nari, Aku TUHAN kap si enggo melasken kata enda.”
	<p>Ketuahen kalak si megiken Kata Dibata, dengen si makekenca i bas geluhna si teptep wari. Haleluya.</p> <p>Ialoi perpulungen alu ngendeken :</p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p>

b	Ertoto guna Khotbah
c	Khotbah : <i>Lukas 9 : 21 - 27.</i> Tema : <i>“Jesus Ngenanami Mbue Kiniseran ”</i>
d	Ertoto kenca khotbah
<b>9</b>	<b>Pengakun Kiniteken</b> <span style="float: right;"><i>(Perp. Tedis)</i></span>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>10</b>	<b>Persembahen</b> <span style="float: right;"><i>(Perp. Kundul)</i></span>
L	<p>Turang ras senina, seh me paksana man banta guna ngendesken persembahen pengataken bujurta man Dibata. Kata Dibata si jadi palas man banta i bas kita ngendesken persembahen pengataken bujurta man Dibata niNa :</p> <p><i>“Ngataken bujur e me persembahen si pehagaken Aku janah si patuh ngikutken Aku tentu Kukelini” (Masmur 50 : 23).</i></p> <p>I bas kita ngendesken persembahen, mari ras kita rende i bas : <b>KEE No. 316 : 1, 2, 3</b></p> <p>Pertoton Persembahen ras Syafaat</p>
<b>11</b>	<b>Perpadanen Man Dibata</b> <span style="float: right;"><i>(Perp. Tedis)</i></span>
L	<p>Kegeluhen Jesus eme tanda keleng ate Dibata kempak manusia. Megenggeng IA ndalani percuban, gelah Dibata ermulia.</p>

P	Erpadan kami Tuhan, kami jadi saksiNdu gia melala kiniseran, gelah doni enda tek dinggen muji gelarNdu.
L	Jesus reh ku doni enda labo guna diriNa. IA setia gia ngenanami kiniseran guna keselamaten manusia.
P	Erpadan kami nggeluh bagi Jesus, lanai kami nggeluh guna diri kami saja, tapi kami nggeluh guna kiniulin kalak sideban.
L	Jesus meteh kiniseran si arus ibentasiNa erkitekiteken dosa manusia. Tapi la IA surut i bas ngalaken kiniseran, erkiteken keleng ateNa.
P	O Tuhan, la ipindo kami gelah la kami jumpa perbeben, tapi ipindo kami gelah ibereNdu kami gegeh, guna ngalaken perbeben.
L	Sipeteguhi perpadanenta man Dibata alu ras kita rende i bas : <b>KEE No. 460 : 1, 2, 3</b>
<b>12</b>	<b>Pertoton Tuhan</b>
<b>13</b>	<b>Pengutusan Ras Pasu-Pasu Dibata</b>
	Berkatlah, dalanilah kegeluhenndu, tetaplah kam megenggeng i bas mentasi kerina kiniseran si reh man bandu janah saksikenlah kinitekenndu arah ndalanken simehuli. Jenari alokenlah pasu-pasu idur Dibata nari : <i>“Ipasu-pasu janah ikawali Dibata kam, siang ayo Dibata ersinalsal ibabondu, janah melias ateNa ngenehen kam. Itatap Dibata ku kam, janah malem atendu ibahanNa”. Amin.</i>
	Ialoi perpulungen alu ngendeken : <i>A..min</i> <i>A....min</i> <i>A .....min</i>
	<b><i>SELAMAT HARI MINGGU/SYALOOM.....</i></b>